

FORUM ONG TIMOR LESTE THE TIMOR LESTE NGO FORUM



Rua do Mercado Municipal, Díli, Timor-Leste / Mobile Phone +670 77999304/ 77236782/ forumong.tl@gmail.com, joaofreitas.fongtil@gmail.com/ www.fongtil.org

Hanoin FONGTIL nian ba Konsulta públiku kona-ba Deklarasaun impaktu ambientál no Planu Jestaun Ambiental(PJA) ba projetu perfurasaun Mina no Gas iha Area kontratu Rusa 1, Municipio Ainaro

Seidauk iha nesesidade ba esplorasaun mina no GAS iha rai maran no sei lori Timor-lesté nia ekonomia dependénsia ba mina no GAS ne'ebé la sustentavel

Introdusaun.

Nu'udar guarda chuva ba ngos hotu ne'ebé halo papél iha Timor-Leste, FONGTIL apresia ba ANPM ne'ebé loke spasu hodi rona mós FONGTIL nia hanoin iha konsulta públiku kona-ba deklarasaun impaktu Ambiental no planu jestaun Ambiental, relasiona ho perturbasaun Mina no Gas iha área munisípiu Ainaro(Rusa 1). Esperansa katak ANPM sei konsidera hanoin FONGTIL kona-ba impaktu Ambiental ba vida umanu nian.

FONGTIL hanesan sosiedade sivil, FONGTIL defende ema vulneravel sira nia direitu. Ne'e duni iha oportunidade ida ne'e ami nia fokus konsentrasaun barak liu hare ba projetu ne'e nia impaktu negativu ba situasaun sosiál, ekonomia no kulturál povu nian.

FONGTIL hanesan parseria krítiku ho governu iha prosesu konstrui ita-nia estadu, FONGTIL hanoin katak situasaun pandemia-19 implika tebes ba prosesu dezvoltamentu, nune'e FONGTIL preokupa ho prosesu konsultasaun ida ne'e liu de'it husi online. Signifika ladún efetivu internu rona parte hotu nia hanoin. FONGTIL hanoin katak laiha urgenti atu aprova deklarasaun planu Ambiental iha tempu pandemia ida ne'e, pudia prolonga tempu atu hein wainhira populasaun 70% vasinadu ona mak bele loke konsultasaun klean ho entidades relevante liuliu populasaun lokál nia hanoin tanba, wainhira implementa projetu refere comunidade lokál mak sei sofre direita impaktu negativu husi indústria refere.

1. Dokumentus impaktu ambientál ne'ebé Timor Resource apresenta la halo analiza Industrial Agglomeration Theory

Aglomerasaun indústria katak konsentra ba iha área ida, nune'e individu ou mundu negósiu bele hetan rendimentu. Alterasaun dala barak mosu iha área ne'ebé konsentrasaun populasaun barak, alterasaun iha nia impaktu ne'ebé pozitivu ba negósiu balun no garante mundu negósiu bele prodús efektu efikásia ba kustu, tempu, no forca aglomerasaun ba negósiu seluk bele akontese

tuir nia natureza maibé presiza mós tenki planeia, ho nune'e mak hola desizaun presiza hatene impaktu aglomerasaun wainhira ita hahú harii no dezenvolve sentrál indústria.

Área Rusa 1 ne'ebé sai target ba kompañia Timor Resource atu halo investimentu ba, halo ona peskiza ba aspetu ida ne'e? serake indústria ida ne'e bele fó efeitu ba indústria seluk iha área ne'ebá, bele garante nia sustentabilidade mak ida ne'ebé? FONGTIL preokupa ho ansidade governu no Kompania statal ANPM ne'ebé dala barak konsumu de'it hanoin no pensamentu husi investór estranjeiru nian kona-ba esplorasau minas no GAS maibé la hola desizaun bazeia ba realidade Timor-Leste nian, li'ur liu kondisaun sosiu ekonomia no kulturál.

Aglomerasaun hahú husi ideia katak localized industriál, tuir ekonomia ne'ebé lokaliza iha possibilidade sustentabilidade ba tempu naruk, ho nune'e komunidadade ne'ebé hela besik área refere iha garantia bele hetan benefisiu husi ezisténsia indústria refere no iha influénsia ba dezenvolve ekonomia iha área ne'ebá. Indústria ne'ebé ho baze ba rekursu naturál tenki garante nu'udar fors

2. Aspektu Ekonomi

Husi espertu ekonomia FONGTIL hakarak hare husi variavel tolu(3) mak hanesan. Kondisaun livelihood, rendimentu, no na'in ba rai nu'udar sasán ne'ebé iha valór ekonomia boot:

1. Livelihood, maka atividade hala'o servisu ho objetivu hetan rendimentu ou benefisiu, atu sustenta moris ne'ebé hala'o rutina no la para inklui servisu uma kain nian ne'ebé dala ruma la hetan kompensasaun no apoiu ne'ebé ajuda atividade ekonomia, nune'e bele kontribui ba prosperidade iha família. Ho nune'e tipu husi livelihood hanesan tuir mai; tuir dadus SEFOPE nian kona-ba dezempregu iha Timor-leste mak 11%, husi 11% ne'e forca dé traballu iha Timor-Leste 62% signifika número dezempregu iha Timor-Leste aas. Dadus sensus agrikultura tinan 2019 hatudu populasau agrikultura ka populasau ne'ebé nia moris dependénsia ba agrikultura kuaze 66%.

2. Kontestu lokál. Ho kualidade edukasaun ne'ebé eziste, kuaze graduadu barak iha problema ho koñesimentu no abilidade ne'ebé frazil tebes, bele rezulta katak esplorasau refere sei la akomoda Timor oan barak no sira sei de'it traballadór la ho skil ne'ebé, nia sei hetan direitu servisu kada lora 4-7 USD no ida ne'e hadutu katak ema 90% ne'ebé iha abilidade no koñesimentu ba servisu refere sei mai husi estranjeiru.

3. Na'in ba sasán ne'ebé ho valór ekonomia as. Rai iha nia funsau sosiál no rai sai sasán ne'ebé valór ekonomia as. Projetu perfurasaun ida ne'e sei implika ba komunidadade lokál ne'ebé hela hale'u projetu sei lakon direitu, no lakon mós fatin ba sira nia animál sira hanesan; karau no seluk tan atu hetan ai-han, tenki komprende katak vida moris ka kultura komunidadade iha área refere nian moris depende ba animál liu husi prátika animál husik

3. Aspek Sosial

Lei rejime espesiál titularidade sorin é movel, expropriasaun para utilidade públiku no lei baze ordenamentu territoriál seidak aplika. Se projetu ne'e hahú maka komunidadade barak nia rai sei

la hetan indemnizasaun justu, sei repete problema (Auto Estrada) iha Covalima ne'ebé lori efektu negativu ba comunidade nia moris sai migeravel. Tuir dadus husi ngo Kdadalak Sulimutu Institute(KSI) nia peskiza ba comunidade ne'ebé nia rai sai afetadu ba Auto Estrada no seluk tan iha Covalima relata katak, 90 porsentu comunidade ne'ebé lakon rai nia moris laiha mudansa tanba osan ne'ebé governu fó sira gasta hotu ona no agora sira laiha rai atu halo tos.FONGTIL hanoin katak projetu ida ne'e sei la kontribui ba redús kiak, maibé sei kontribui ba aumenta kiak no mukit iha ita-nia rain tanba konflitu sosiál sei aumenta nu'udar rezultadu husi indemnizasaun ba rai comunidade ne'ebé la justu no comunidade sei lakon fatin ba husik animál tuir ba hahalok moris ne'ebé eziste nanis ona.

4. Impaktu Ambiental

Esplorasaun mina no GAS iha rai maran sei lori impaktu negativu ba ambiente ne'ebé sei hamosu impaktu fiziku-kimiku hanesan impaktu ba rai, klima mikro, impaktu ba vegetasaun (vegetation) flora no fauna, impaktu ba saúde Ambiental no impaktu ba sosiál ekonomia ne'ebé envolve populasau, kampu dé traballu no aproveitamnetu rekursu naturál ne'ebé iha. Maski ida ne'e dezentvolvimentu maibé sei lori impaktu negativu ba vida moris populasau nian kompara ho impaktu pozitivu ba comunidade.

Iha rai barak mak enfrenta problema estragus ambientál hosi atividade estimativa sira iha rai maran. Iha rai sira iha Afrika, hanesan Delta Niger sai ezemplu oinsá kompañia sira, Governu no reguladór sira failha hosi proteje direitu ekolojia povu nian.

Hotu